

Таҳликали хато (биринчи мақола)



16:16 / 08 февраль 1463

Европанинг ренессанси - уйғониши ўн тўрт асрдан ортиқ давом этган ва черков томонидан мажбур қилинган қаттиқ уйқудан уйғониш бўлгани ҳаммага маълум. Халқарнинг ҳаётида рўй берадиган Европа ренессанси - уйғонишига ўхшаш катта ўзгаришлар бу борадаги ҳаракатнинг мафкурасига боғлиқ бўлади. Европа ренессанси - уйғониши черковга қарши бўлгани учун унинг мафкураси ҳам асосан черковга ва феодалликка қарши бўлганини ҳамма яхши билади. Шунингдек, европа уйғонишининг мафкураси юонон фалсафаси асосида бўлганини ҳам ҳамма яхши билади. Ушбу фикрнинг далили сифатида «Олимп» сайтидан олинган қуидаги иқтиbosни келтирамиз:

«Ренессанс ва гуманизм даврида европада юонон фалсафасининг қайта тирилиши юзага келди. Бу эса ўз навбатида уйғониш давридаги платончилик ва арасточиликдан бошланиб европанинг барча фалсафий фикрининг ривожланишига ўз таъсирини кўрсатди».

Европаликлар юонон фалсафасини асосан мусулмон файласуфларнинг арабчадан лотин тилига таржима қилинган асаллари орқали ўрганишгани ҳам маълум ва машхур. Бунинг далилини аввалги мақолаларда кўриб ўтдик.

Шу ерга келганда бир нарсани - юонон фалсафасини ўрганиш жараёнида

мусулмонларда алоҳида, европаликларда алоҳида хулоса чиққанини кўрамиз.

Мусулмонлар юонон фалсафасини ўрганиб, дунёни ва унинг сиру асрорларини англаб етишда ақлга ва ваҳий - илоҳий таълимотга асосланамиз, деган хулосага келиб тўхтаганлар.

Европаликлар эса, дунёни ва унинг сиру асрорларини англаб етишда фақат ақлга суянамиз ва ваҳий - илоҳий таълимотни мутлақо инкор қиласиз деган хулосага келганлар.

Ўз - ўзидан юқорида айтилган бир фалсафани - юонон фалсафасини ўрганиш оқибатида икки хил натижа чиқишининг сабаби нима деган савол пайдо бўлади. Бу саволнинг жавобига, орадаги фарқнинг сабаби икки томон иймон келтирган ва таълимотларига амал қилган икки диндадир, деган жавобни берамиз. Ушбу жавобнинг таҳлилини алоҳида - алоҳида кўриб чиқамиз.

(Давоми бор)

«Олам ва одам, дин ва илм» китоби асосида тайёрланди

Ушбу мақола Ўзбекистон Республикаси Дин ишлари бўйича қўмитанинг 2023 йил 30 ноябрь 03-07/9089-сонли хулосаси асосида тайёрланди.